

বৈদেশিক সরকারী কর্মকর্তা/কর্মচারী (A2/G2)

বিদেশী কূটনীতিকগণ, সরকারী কর্মকর্তা/কর্মচারীগণ, এবং সামরিক বাহিনীর সদস্যগণ যারা সরকারী কাজে আমেরিকায় ভ্রমণ করতে চান, তারা যে কোন আমেরিকান দূতাবাসে 'A' ভিসার জন্য আবেদন করতে পারেন। 'A' ভিসার জন্য যোগ্যতা অর্জনের জন্য আপনাকে অবশ্যই আমেরিকাতে আপনার সরকারের মুখপাত্র হিসাবে ভ্রমণ করতে হবে যাতে শুধুমাত্র সরকারী কাজে নিয়োজিত থাকতে পারবেন। সরকারী কর্মকর্তা/কর্মচারীগণ যারা বাণিজ্যিক অথবা এই ধরনের কোন বেসরকারী কাজের জন্য আমেরিকায় ভ্রমণ করতে চান, তারা 'A2' অথবা 'G2' ভিসার জন্য যোগ্য নয়, তারা অন্য ধরনের ভিসার আওতায় পরবেন।

- 'A2' নন-ইমিগ্রেন্ট ভিসার জন্য যোগ্যতা অর্জন করার জন্য আবেদনকারীকে অবশ্যই বাংলাদেশ সরকারকর্তৃক স্বীকৃত কর্মকর্তা/কর্মচারী হতে হবে যিনি আমেরিকায় সরকারী কাজের জন্য ভ্রমণ করবেন।
- 'G2' নন-ইমিগ্রেন্ট ভিসার জন্য যোগ্যতা অর্জন করার জন্য আবেদনকারী অবশ্যই অফিসিয়ালি বাংলাদেশকে প্রতিনিধিত্ব করবেন এবং আমেরিকায় কোন আন্তর্জাতিক সংস্থায় স্থায়ীভাবে কোন মিটিংয়ে অংশগ্রহণ করার জন্য ভ্রমণ করবেন।

ব্যক্তিগত উপস্থিতি এবং ভিসা ফি

'A2' এবং 'G2' ভিসা আবেদনকারী যারা আমেরিকায় সরকারী কাজে ভ্রমণ করতে চান, তাদের সাধারণতঃ ব্যক্তিগতভাবে উপস্থিত হওয়ার প্রয়োজন হয় না। মেশিন রিডেবল ভিসা (MRV) ফি সংক্রান্ত তথ্য হল, যে সকল আবেদনকারী যারা 'A2' অথবা 'G2' নন-ইমিগ্রেন্ট ভিসার জন্য যোগ্য তাদের US\$180 নন-ইমিগ্রেন্ট ভিসা ফি দেওয়ার প্রয়োজন হয় না।

আবেদনপত্রের সাথে যা যা কিছু দরকার

যথাযথভাবে পূরণকৃত আবেদনপত্র এবং কূটনীতিক নোট গ্রহণ সাপেক্ষে আমেরিকার অফিসিয়াল ভিসা প্রদান করা হয়। ভিসা প্রদানের অনুরোধ সংক্রান্ত মন্ত্রণালয়ের কূটনীতিক নোটে অবশ্যই ভ্রমণকারীর নাম, পদবী, পাসপোর্ট নম্বর এবং ভ্রমণের কারণ উল্লেখ থাকতে হবে। নির্দিষ্ট কোন কারণে ভ্রমণের জন্য আগাম আবেদনপত্রের ক্ষেত্রে, কূটনীতিক নোটে "সম্ভাব্য সরকারী কার্যক্রম" উল্লেখ থাকতে হবে। জীবনসঙ্গী (স্বামী/স্ত্রী) অথবা অপ্রাপ্ত ছেলেমেয়ে যদি কর্মকর্তা/কর্মচারীর সফরসঙ্গী হন, তাহলে কূটনীতিক নোটে অবশ্যই তাদের নাম উল্লেখ থাকতে হবে।

প্রত্যেক নন-ইমিগ্রেন্ট ভিসা আবেদনকারীকে অবশ্যই অনলাইন DS-160 পূরণ করতে হবে। দূতাবাস/মন্ত্রণালয়/আন্তর্জাতিক সংস্থার নিযুক্ত যে কোন প্রতিনিধি কূটনীতিক নোটের সাথে DS-160-র কনফারমেশন পাতা, পাসপোর্ট, ছবি [photo](#) জমা দিতে পারেন।

কোথায় এবং কখন আবেদনপত্র জমা দিতে হবে

পাসপোর্ট এবং আনুসঙ্গিক কাগজপত্র জমা দেওয়ার জন্য, নিযুক্ত প্রতিনিধি মাদানি এভিনিউ, বারিধারায় অবস্থিত আমেরিকান দূতাবাসের কনস্যুলার সেকশনে যে কোন রবিবার থেকে বুধবার সকাল ১০টা থেকে দুপুর ১২টার মধ্যে উপস্থিত হতে পারে। আমাদের গেইট ২-এ ঢোকানোর অনুমতি পাওয়ার জন্য আপনার নিযুক্ত প্রতিনিধিকে অবশ্যই মাদানি এভিনিউতে অবস্থিত আমাদের গার্ডকে কূটনীতিক নোট দেখাতে হবে। নিরাপত্তা সংক্রান্ত সকল আনুষ্ঠানিকতা শেষ হওয়ার পর আপনার নিযুক্ত প্রতিনিধিকে অবশ্যই আমাদের waiting room-এ অবস্থিত Window 1-এ যেতে হবে।

আবেদনপত্র জমা দেওয়া/পাসপোর্ট সংগ্রহ

আপনার নিযুক্ত প্রতিনিধিকে PIN ID সহ একটি প্রশাসনিক কাজ সংক্রান্ত চিঠি প্রদান করা হবে যার দিয়ে আপনার আবেদনপত্রের অবস্থান অনলাইন ডাটার মাধ্যমে জানতে পারবেন।

PIN ID সহ চিঠি আপনাকে নিশ্চিত করছে যে আমরা আপনার নন-ইমিগ্রেন্ট ভিসার আবেদনপত্র এবং আনুসঙ্গিক কাগজপত্র গ্রহণ করেছি। আপনার ব্যক্তিগত সনাক্তকরণ নম্বর (PIN ID) আপনার প্রশাসনিক কাজ সংক্রান্ত চিঠির নীচে ডানপাশে লেখা রয়েছে। আবেদনকারী এই PIN ID ব্যবহার করে আমাদের অনলাইন ডাটা থেকে তার আবেদনপত্রের অবস্থান জানতে পারে। আবেদনপত্রের অবস্থান প্রত্যেক কার্যদিবসে হালনাগাদ করা হয়।

অফিসিয়াল ভিসা সাধারণতঃ তিন (৩) কার্যদিবসের মধ্যে সংগ্রহ করার জন্য প্রস্তুত হয়ে থাকে। যখন ভিসা প্রস্তুত হয়ে যায় তখন অনলাইন ডাটায় আবেদনপত্রের অবস্থান 'Pending Processing' থেকে 'Collect Passport'-এ পরিবর্তিত হয়। আবেদনকারী অথবা তার নিযুক্ত প্রতিনিধি যে কোন কার্যদিবসে দুপুর ১টায় আমাদের waiting room-এ এসে ভিসা সংগ্রহ করতে পারবেন।

তথাপি মনে রাখবেন যে, কোন কোন আবেদনপত্রের জন্য অতিরিক্ত প্রশাসনিক কাজ প্রয়োজন হয়ে থাকে যা ভিসা প্রদানের তারিখকে প্রভাবিত করতে পারে। যে সকল আবেদনপত্রের ক্ষেত্রে অতিরিক্ত প্রশাসনিক কাজ প্রয়োজন হয়, সে সকল আবেদনপত্রের কার্যক্রম শেষ হতে তিন (৩) কার্যদিবসের বেশি প্রয়োজন হতে পারে। অনুগ্রহ করে আপনার আবেদনপত্রের অবস্থান প্রতিদিন পরীক্ষা/অনুসন্ধান করুন। আমাদের অনলাইন ডাটায় অনুসন্ধান করার জন্য আপনার PIN ID ব্যবহার করুন।

কোন কোন ক্ষেত্রে ব্যক্তিগত সাক্ষাৎকার প্রয়োজন হয়ে থাকে। যদি এমন হয়, তাহলে আপনার নিযুক্ত প্রতিনিধিকে আবেদনকারীর ব্যক্তিগত ভিসা সাক্ষাৎকারের জন্য একটি সাক্ষাৎকারের দিন ও সময় সংক্রান্ত চিঠি প্রদান করা হবে।

পারিবারিক/ব্যক্তিগত কর্মচারী

A1/A2 ভিসাধারী কোন ব্যক্তির ব্যক্তিগত কর্মচারী, সহচর, অথবা পারিবারিক কর্মচারীর জন্য A-3 ভিসা প্রদান করা হয়ে থাকে। এ ধরনের আবেদনকারীদের জন্য ভিসা সাক্ষাৎকারের প্রয়োজন হয়। অনুগ্রহ করে এ ধরনের আবেদনপত্র আমাদের চাহিদা অনুযায়ী প্রস্তুত করুন যা [এখানে](#) পাওয়া যাবে।

কূটনীতিকদের জন্য ভিসা ফি এবং পর্যটক হিসাবে ভ্রমণ

যে সকল আবেদনকারী 'A' অথবা 'G' ভিসার জন্য যোগ্য তাদেরকে ভিসা ফি প্রদান করা থেকে অব্যাহতি দেওয়া হয়েছে কিন্তু পারস্পরিক ফি (reciprocity fees) প্রয়োজন হয়। অধিকন্তু, যে সকল আবেদনকারীর কূটনীতিক পাসপোর্ট রয়েছে, যে কোন ধরনের ভ্রমণের জন্য, এমনকি পর্যটক হিসাবে ভ্রমণের জন্যও, তাদের ভিসা ফি'ও অব্যাহতি দেওয়া হতে পারে। যদি আপনি কূটনীতিক পাসপোর্টধারী হয়ে থাকেন (অর্থ্যাৎ, সাধারণ, অফিসিয়াল অথবা বিশেষ পাসপোর্ট নয়) এবং আপনি পর্যটক হিসাবে ভিসার জন্য আবেদন করতে চান, তাহলে অনুগ্রহ করে আমাদের কনসুলার অফিসার না জানানো পর্যন্ত ভিসা ফি প্রদান করবেন না।

অতঃপর, কূটনীতিক পাসপোর্টধারী কোন ব্যক্তি যখন 'A' এবং 'G' ব্যতিত অন্য কোন ধরনের ভিসার জন্য আবেদন করেন তখন তাদের অবশ্যই ব্যক্তিগত সাক্ষাৎকার এবং আঙ্গুলের ছাপের প্রয়োজন হয়। আপনাদের সুবিধার জন্য আমরা আপনাদের জানাতে চাই যে আমেরিকান দূতাবাসে আসার আগে আপনি অবশ্যই আমাদের কনস্যুলার সেকশনকে আপনার পর্যটক হিসাবে ভ্রমণের ইচ্ছা অবগত করবেন।

আন্তর্জাতিক সংস্থার কর্মচারী (G)

কূটনীতিক এবং অন্যান্য সরকারী কর্মকর্তাকে আমেরিকা ভ্রমণের জন্য আন্তর্জাতিক সংস্থা (G) এবং NATO ভিসা প্রদান করা হয়। ব্যতিক্রমভাবে কোন রাষ্ট্র অথবা সরকার প্রধান যে কোন কারণেই হোক না কেন আমেরিকা ভ্রমণের জন্য 'A' ভিসা পাওয়ার জন্য যোগ্যতা অর্জন করেন; কোন কূটনীতিক অথবা অন্যান্য সরকারী কর্মকর্তার ভিসার ধরণ নির্ভর করে তাঁর আমেরিকা ভ্রমণের উদ্দেশ্যের উপর।

অভিবাসন আইনের আওতায় আন্তর্জাতিক সংস্থার কর্মচারী (G) ভিসার জন্য যোগ্য হতে হলে আবেদনকারীকে নির্দিষ্ট কিছু আবশ্যিক শর্তাবলী পূরণ করতে হবে। এ ধরনের ভিসার জন্য আপনি যোগ্য কি না একজন কনস্যুলার অফিসার তা নির্ধারণ করে থাকেন। আমেরিকায় আপনার ভ্রমণের উদ্দেশ্য অবশ্যই আপনার অফিসিয়াল কার্যক্রমের আওতাধীন হতে হবে।

- G-1ঃ স্বীকৃত কোন সরকারের স্থায়ী সংস্থার সদস্য যিনি নির্দিষ্ট কোন আন্তর্জাতিক সংস্থায় ভ্রমণ করছেন তিনি 'G-1' ভিসার জন্য যোগ্যতা অর্জন করেন।
- G-2ঃ স্বীকৃত কোন সরকারের প্রতিনিধি যিনি কোন নির্দিষ্ট আন্তর্জাতিক সংস্থায় মিটিং-এ অংশগ্রহণ করার জন্য সাময়িকভাবে ভ্রমণ করছেন তিনি 'G-2' ভিসার জন্য যোগ্যতা অর্জন করেন।
- G-3ঃ অস্বীকৃত অথবা অসদস্য সরকারের কোন প্রতিনিধি 'G-3' ভিসার জন্য যোগ্যতা অর্জন করেন।
- G-4ঃ কোন ব্যক্তি যিনি জাতিসংঘসহ অন্য কোন নির্দিষ্ট আন্তর্জাতিক সংস্থায় যোগদান করার জন্য আমেরিকায় ভ্রমণ করছেন তিনি 'G-4' ভিসার জন্য যোগ্যতা অর্জন করেন।

এ সংক্রান্ত আরো তথ্য জানতে 'আন্তর্জাতিক সংস্থার কর্মচারী (G)' [এই অংশ](#) দেখুন।